



# 味道齋吟草叙

深柳山齋藏板

味道齋吟草叙

詩以道性情者也士人束髮受書粗解詭吟便有性情發露  
泊乎聳寒肩咀宮徵本其真情摯性觸緒濡毫因不於詩乎  
傳之雖思力有強弱煅鍊有工拙格律有疎密家數有大小  
高下而抒寫由中莫不隨其淺深肖其所得否則伴優孟繡槃  
悅夸多鬪靡天閼性靈雖使返葛天之浩唱摩叢雲之奧  
刻亦無取焉陸士衡不云乎被金石而德廣流管絃而日新  
終亦有真誠流注安能使人之咏嘆淫液流連不置哉是性情者  
詩之出恃以不敵也羅陽明經董又霞先生以績學世其家  
尊人霞樵先生為甌中宿儒著有詩文集若干卷行世先

生風稟庭訓比長歷遊燕秦楚豫諸邦見聞日富

竊嘗讀其詩意其性情耽切過人及考其生平居鄉以急公  
持正著威豐庚申二月旅寓杭城會髮逆至先生遇之略謂不屈  
殉命伍公山下嗚呼此其氣節激昂性情可概見矣宜其詩之  
樹骨選言與向教背實者迥殊也是則先生所恃以不敵者  
既其遭際於時方且雍容揄揚和教鳴盛豈徒唐唐一什之  
流傳哉今先生嗣君靖甫將梓其先人遺集詩問序於余余惟  
性情本也詩末也即末溯本因其詩可想見其人吾知先生當  
日不規規於論詩即以詩論殆亦無失唐賢圭臬其緒少陵所謂  
裁偽體親風雅者與爰不揣固陋為弁數語於簡端以時在

光緒元年歲在癸亥大淵獻端月古麗胡搢中圭山氏撰

遺集

味道腴齋遺稿序

從來山川奇傑之氣必生嶽等磊落之才永嘉山水冠絕浙東而羅陽界焉天關聳其左地軸峙其右靈秀所鍾代有其人如復齋太令眉伯進士古後一時之彥而董氏一門為最著余外舅霞樵先生具鴻才卓識主蓮城講席者十年羅陽講席者三年文章學行均推之江第一其次嗣又霞先生負奇氣博極群書性耽吟咏與伯兄小霞明經皆以詩鳴鄉先輩咸以雛鳳目之不啻環之有頰洵之有軌轍也惜數奇不偶乃歷遊燕秦楚魯之區徒託諸弔古懷人以自抒其抑鬱之氣激昂慷慨情見乎詞故其思精其筆健集中諸作無美不臻洵得江山之助

欣

記

五七律調高響逸格正詞醇尤擅其勝吾讀其詩又未嘗不悲  
其遇昔歐公謂詩能窮人其公之謂歟歲己未就楚北學使俞  
公之聘時髮逆猖獗留滯武林庚申二月城陷公罵賊不屈遂  
殉於伍公山下生平著作蕩矣心惜哉寇退居停殮其尸猶  
如生袖中尚存詩壹志取義成仁心好學不倦見危致命  
者何以加焉事聞且天子褒嘉其有司之祠致祭且以  
雲騎尉職世襲因替嗚呼公之大節彪炳人寰原不藉以詩顯  
然即詩亦足見公之梗概矣茲哲嗣潛齋克紹箕裘輯其敬佚  
索序於余展讀之餘不禁悲從中來泪泠泠下也回憶曠昔屢  
登公堂流連浹月維詩霞樵外舅尚矍鑠余忝附趨庭問難  
質髮親聆緒論或與公詩酒論文聯床聽雨何樂如之華燭清  
樽宛然在目今外舅墓已拱而公亦宿州興悲矣塊然比  
身毫無疑白傷衰老之侵尋悼親朋之凋謝俯仰之間頓成今  
昔豈不痛哉爰綴數語以誌葭莩之誼俾兩家子姓識之無相  
忘也至其詩雖寥寥先片羽固有目所共賞每煩余之更贊  
一詞哉時在

亦緒元年歲次乙亥滿月望後三日姻愚盧贊周拜撰

味道腴齋遺稿題詞

金縷曲

三徑尋幽躅望霞峰樓居高置其人如玉門第丹山雙鳳起都

是碧梧翠竹曾令兄小霞品學兼粹應共羨父書能讀尊翁霞樵

既大名士經明行脩士林仰止公一片承平留雅頌草新詞堅


抵長城築知音少况空谷御爭延訪焉余不遠見先生為憾性情只合文章托憶天涯廿年紅

夢幾人青目不是名流標格錯涇渭也分清濁怎便與群兒鷄

鶩到底風騷歸正氣喜辦香一線通心曲道腴味拳拳服批

前調

觸緒愁難掃悵良朋才名空負涵人將老六載萍蓬清似水豐



元年春仲余始抵泰順司訓任  
與一君一見傾心六年彈指矣  
 一樣苔岑懷抱誰解得此中篇  
 矯然罷離騷心欲碎贖一篇天問何時了指近生平累識字飽  
 貧原非病君常傲却如何六張五角又添煩惱寒到梅花香更  
 艷久慣冰霜暗裏這冷淡何人分曉哀樂中年須解脫笑唾壺  
 擊處空顛倒進雙闕留鴻爪批

讀大集後泮然增感者累日蓋隨時守分儒素之常而意  
 外煥滅人情之變自古人才境遇其中有不可解者爰倚  
 此調用代題詞並呈

又霞二兄大人正拍

咸豐六年秋七月既望教生弟陸鳳鈞拜啟

沁園春

咄咄奇才疑是散僊小謫蓬萊看英髦秀出父書能讀蘭臺說  
 爽友愛無猜走遍天涯交盈名下盡入詩腸鼓吹來說不了龍  
 雲關月地舞樹影臺年華駒隙頻催奈命維屯兮志不灰任  
 羨藜困我挪揄有鬼也珂玉女仕進無媒寢饋三唐驅騰百氏  
 書味悠然道味該恨未得生前一相遇賭詠銜林批

同治己巳巧月望後二董潛齋世兄携其尊人又霞先  
 生味道腴齋道稿見示讀之覺生氣拂拂現於行間知其  
 學有本原詞無枝葉庾清鮑俊足嗣響於前賢蘇海韓潮  
 宜起衰於後學洵風騷之正軌得訓經之真傳蓋其

先君霞樵先生為邑中老名士詩氣流傳膾炙人口久矣  
承命題詞不揣鄙陋率成一闕錄呈以博

大雅祭政

古麗胡措中拜稿

調寄疎影

天才俊逸疇伯翁一管餐霞仙筆擊筑高歌倚劍狂吟超然別  
具標格關山萬里燕南道問幾度山程水驛有誰知怨雨淒風  
寫出愁腸悽惻猶記師門之雪羨謝庭玉樹輝映生色老鳳  
散清子和音隨彷彿歸昌諧律爭教頃刻曇華散只賸此零縑  
殘帙幸心香一瓣祇承能把瑤篇珍惜

董又霞先生抱閔儻不羈之才羞與庸眾伍故一時弟寫  
性靈發為詩歌亦磊落有奇氣然數音不偶卒乃蹉跎以  
終士林傷之今歸道山有年矣今嗣居靖甫世兄手其  
味道朕齋遺稿見示亟索題詞予固非知音者勉賦一闕  
以記仰止之私云

胡睦琴

是草

詩始幾人繼淵源孤獨清一編餘散帙五字仰長城王孟有遺  
韻蘇黃記舊情那堪披卷下往復溯平生  
憶昔黃花節追陪尚亂年高談驚薄俗逸氣壓當筵世運賢多  
厄儒風盛莫傳相期勵清節啓後慰重泉

世姪林用霖拜題

北亭甫



吾鄉壇坫幾晨星桑梓當時贍典型萬里關河催白髮一生懷  
抱託青萍公有按劍杜母律細真才調庾信歌哀古性靈讀罷  
遺編追往昔瀟瀟風雨滿閒庭六百五十八

靖甫尊從以

先尊人又霞先生味道腴齋詩稿索題遲之閱歲未敢應命  
教役再三不獲已勉成一律聊以塞責知不足當

大雅一祭也

同治辛未季秋十有九日族晚憲曾求草

制高秋

余前任直隸平山薄尉俸滿現調唐山因親舍遠離告病  
回籍旬旋里後雙親尚健而子孫蕃茂不得不就斤一德為

衣食謀來遊羅陽勸理金穀得與

靖甫大兄晤於司鐸署中雖屬一面之緣卻有三生之幸

靖甫大兄印出其

令尊鄉先生遺稿見示捧誦之餘詩情婉轉饒有唐風遍讀  
諸作更知品端學粹蘊積素深何期小醜跳梁武林殉節  
惜不獲大展厥抱為憾事耳皆在

同治辛未鞠秋既望

山陰後學鑑湖琴川氏朱秉鈞拜讀并識於羅陽

官廨仕學軒

李杜文章在鯉庭芙蓉初日耀亭此座志潔昭忠義味道清

深見性靈萬古為章留正氣千秋名節仰芳型西州門外羊雲  
淚明德欽同姐豆馨

外甥盧齊環拜呈川功甫

四京游覽蘊吟愁萬里江山筆底收鵲入層雲翻荆野雕鷲名  
手射高秋於今情韻留龜鑑終古才華嘆鳳樓三讀遺篇欽亮  
節天家獎聖恩優 姻愚姪盧士元拜呈

楚豫燕秦紀壯遊綠陰騎鶴話揚州弟兄節操嚴霜厲高梓文  
章雅韻道千載道腴心獨味半生詩卷世長留杜陵君國勞幽  
思庾信關山感素秋讀史風塵森俠骨劍生有按放懷天地豁  
吟將情多興遠稱龜鑑語麗詞雄咏廬樓一代才華名士老四  
京烟景美人愁乾坤何處樓丹鳳滄海無端困白鷗自有歌謠  
齊漢魏漫云格調擅陶甄瓊瑤佩響江東步金鈇宵鳴浙左憂  
百道狼烟環古越 九天鸞誥荷 皇猷伍公山下昭忠  
烈忍讀遺篇不淚流

姻年愚姪盧齊喬拜呈掛小松

虎氣入詩嘯秋風橫出銳入凡境空冷身歷劫鋼百鍊吹律那  
怪清商變卅角童軍意氣豪玉尺衡量壓其曹槐黃酣麀志未  
伸空教赤手縛麒麟關河隻影萬里客走馬邯鄲頭已白黃葉  
黃花詩腸攪燕秦楚晉留鴻爪五侯七貴青眼開笑譚席坐梅  
花堆坑懷串古大江去玉笛裂石誰與語落雁峯前一抹青

高臺日光龍玲九折坡高石瀉魚六盤山上花亂烟人生行止  
無定在有如張帆縱大海儘比墨海醉八斗不管林田無一畝  
捧日心總懸霄漢下羞躑躅伍絳灌吁嗟手孤嘯鳴張歲庚申  
烽火連天神鬼噴穿整環城騎奔鐵怒髮衝冠皆欲裂睢陽之  
齒常山舌伍公山下公殉節袖中尚留半卷詩孰為呵護神遣  
之身成仁聞 天子褒忠名尤青史君不見從來言行重不  
朽剪紅刻翠徒芻狗公非之論與公是拱壁土直分臧否設為  
清議彼哉彼萬言不值一杯水雪裏松霜後菊菁華發處天地  
肅吉亦片羽剩一編題者沈庵紛後先我乏鑿白點汗怕難免  
桓家寒真罵好取蓋薇水盥手老圃秋色絕塵垢擬握驅雲掃  
天帚肩鑰悠悠鄒衍口

表姪周異未和是草

秋卷吾

味通融富詩存

五古

七古

五絕

七絕

五律

七律

溫州府 函 公 館

味道朕齋遺稿目錄

五五 寒松 詩石

五四 勵志

〇四 齋居遣興

〇七 病起

〇六 寒夜

〇三 壯志

〇三 西湖秋晚

〇七 落葉和鷹巢上人韻

〇六 春日郊東小步同友人作

味道朕齋遺稿

○ 半野徑

○ 病中雨夜

○ 秋懷

○ 西邨舍晚望

○ 溪東別業

○ 秋懷

○ 散灘晚渡

○ 閒居

○ 先慈忌日書以當哭二首

○ 九溪晚泊

○ 山居秋晚

○ 雨後溪上晚步次周怡雲暖先生韻

○ 晚起步至龍護寺訪虛上人

○ 同錢蘭生遊石淙洞

○ 淙潭觀瀑

○ 棠坪阻雨

○ 村居示客

○ 喜友人至

○ 春晴遣興次友人韻

○ 夏晚初晴聞笛

○ 夏晚初晴聞笛

○九江口兩泊中夜見月

○七初秋病起

○六幽期

○三秋賦報罷懷張紫來芳年已自武林先跡枯州

○五贈麗水葉雲樵法茂才

○二曾蓄甬璿源歸自湘南以詩見訪次韵酬之

○五辛卯秋試報罷歸里道出枯蒼譚寄梅學谿姚叔達學道

送至江干因舟未即行寄梅遂邀游南明山竟日始返

即事抒懷兼以道別

○五八江樓秋晚望遠成咏

○六七讀范睢蔡澤列傳書後

○五九留別李薌園枝青明府二首

○八世事

○五十一山村秋晚

○五十二題鄭鶴山松下聽泉圖

○五十三山居

○五十四秋夜

○五十五為李素山題畫卷

○三秋日同群從遊城南諸山即事言懷

○五十六題楊見山峴秋夜讀書圖

○ 九題倚松調鶴圖

○ 九洛河舟晚

○ 九五華州郭汾陽故里

○ 九六過六盤山

○ 九八洮陽秋望

○ 九老桂

○ 九九洮陽中秋有感

○ 九五客館雨夜

○ 九四望華山作

○ 九一重慶蕭關時新嚴京兆試欲得歸者仍以西行未果

○ 百京兆試罷病起有懷洮陽署中諸友

○ 百二狄道謁楊忠愍公祠并序四首

○ 九七洮陽官舍喜晤潘美舫希濂五兄即東二首

○ 百七辛丑嘉平十二日漢上舟夜

○ 九八秋山晚眺

○ 九六秋江晚眺

○ 九三商河即事

○ 九二雨窗漫興

○ 九一咏鄭初心

○ 九五咏林霽山



○ 為三 旅舍即事

○ 四 擬遊雁蕩山作

○ 九 題洪武水驛起站船符驗冊 此係五律之序

○ 一 賦詩十三韻

○ 五 陸秋生 鳳鈞廣文以新詞惠 實拙稿過承顧念 之意甚感

奉酬二律藉誌下忱 二首

○ 三 送單篠雲 翁少府調任 京寧 二首

○ 六 送陸秋生 鳳鈞廣文假 還錢塘 二首

○ 二 探幽山行

○ 五 水中雁字 四首

○ 六 春日山齋即事

○ 七 感事呈周古俠 京表兄

○ 八 秋海棠和葛琴山 培元 廣文韻 四首

○ 九 菊影四首和友人韻

○ 十 雨中病起懷 家大人作

○ 十一 秋齋夜思寄妹 倩盧翼庭 贊周明經

○ 十二 山齋秋夕待月

○ 十三 秋夜

○ 十四 感事示友人

○ 感事酬家笛舫 正推

○ 感事同家嘯士作 正推

○ 癸巳九日林時厓黜邀同吳子安靖翁曉青曙集吳竺雲

貫齋中賞齋

○ 周怡雲暖姻文索詩為贈即用過訪原韵奉酬

○ 讀漁洋先生集書後

○ 晚春新霽

○ 李鄴園枝青司馬以素心蘭詩索和依韵酬之 二首

○ 大雪俞孟廉進麟刺史席上作

○ 庚子中和月將以秋試北上別俞孟廉進麟 二首

○ 留別潘美彤希濂五兄兼寄楊翠巖維屏明心

○ 壬寅春仲歸里親知枉過詢及客况書此奉答

○ 客有以西京風景見訊者為述其槩

○ 東甌觀潮行

○ 闡烈篇為陳明府重修傳烈姬墓作并序

○ 賞菊

○ 秋夜感懷

○ 感懷

○ 山齋即事

○ 東齋偶書

○乃之三喜見新鞠有詠

○五卅之春夕雪次妹倩盧翼庭贊周明經韵

○五世書寄家大兄小霞先生札後二首

○五之 和陸秋生風鈞廣文韵四首

○七惜別

○六憶別

○左 韓城道中

○十 獨酌二首

○六 獨鶴

○十月夜登霞山

○九 詠雪十二歲奉 家大人命作

王山館詩錄

珍奇之卷世校錄

与敬仰 卷本一校此詩額  
力 字句有異 尚有 故步不補

○夢登天關山作二首

○五 文信國琴榻為李薌園枝青司馬題却次 文山先生原

○乃之三喜見新鞠有詠

○乃卅之春夕雪次妹倩盧翼庭贊周明經韵

○乃世書寄家大兄小霞先生札後二首

○乃和陸秋生風韵廣文韵四首

○乃惜別

○乃六憶別

○乃左韓城道中

○乃十獨酌二首

○乃六獨鶴

○乃十月夜登霞山

○乃九詠雪十二歲奉

家大人命作

○乃古春陰

○乃古怨

○乃土歸來

○乃古涼夜

○乃貧家

○乃世嘲蜘蛛

○乃世傷春次韵

○乃夢登天關山作二首

○乃五文信國琴榻為李鄰園枝青司馬題却次

文山先生原

韵二首

○題李璣田存耕先生墨蘭四首

○邠州道中

○南湖春晚

○題李璣田存耕先生墨畫竹八首

○題周在樞天拱先生詩後二首

○讀宋史偶書

○世曉起

○昔山行見早梅

○世書卓忠毅公傳後二首

○曉度平涼

○六月六日清涼山題壁

○題吳丹木山水小冊

○早越中得括蒼譚寄梅澗銘書却寄

○九贈別趙溥泉必達少府

○辛留別俞艾麻奎文公子

○世詠虞美人次廣文徐芸亭望璋先生韵二首

○世晚春書事

○世先讀史有感

○世江行即事

○共春夕即事次友人韵

○試寫感懷次韵

○世探梅

○廿郊行見早梅

○送何桔序俊廣文假還山陰道身四首

○謝杏根滋春夜夢得杏花香裡鵝鴝啼句醒後續成索和

依韵酬之二首

○秋海棠

○題廣文陸秋八風韵邗江詩夢圖後二首

○題廣文姚琴舫成濟齋堂課續圖二首

○味道朕齋危言此列卷云

格言示恬兒

溫如

味道腴齋遺稿

詩石

春順董暉又霞翁

男中恬翁國鈞全拔西

寒松

卓爾支離叟青青到歲寒盟心知己少屈節媚人難終有棟梁  
用且隨霜雪安參天二千尺會作老龍蟠

勵志

日月有陰晦英雄志不移海深江讓水松勁雪封枝節以窮彌  
固才從困始奇男兒當努力莫靳古人為

齋居遣興

蕭齋時獨坐幽興有誰知琴韻因秋遠花陰傍日移遣懷聊

况

幽

酒論古且吟詩偏得閒中趣神僊似可期

病起

病起怯登樓年光逐水流  
遠山明夕照孤館入深秋  
世態霜前葉人情浪裏鷗  
無聊還獨酌一醉判千愁

寒夜

獨坐惜暹夜西風吹牖寒  
那堪膏下劍仍向酒邊看  
雲影經霜瘦燕散得月酸  
壯懷誰與會搔首一悲歎

壯志

男兒懷遠畧壯志常差跬  
世道今如此吾生定若何  
迂踈經事少貧賤負人多  
苦為年華感德風發浩歌

西湖秋晚

不盡登臨興扁舟載月逐湖光  
沈暮景客意澹秋山跡與幽人  
遠心隨野鳥閒塵緣何日淨  
一為故禪關

落葉和鷹巢上人韻

山風動林杪翠影接雲微  
樵語不知處寒雅相向飛  
秋聲驕曠野客意憇斜暉  
莫漫傷搖落芳園菊正肥

春日郊東小步同友人作

小步出郊東川原一望中山花  
遙映日岸柳側迎風帘影前邨  
見簫聲別院通時亦如此好  
思負艷陽功

野徑



野徑入烟蘿間携客共過青山秋色晚紅樹夕陽多曾漢看那  
鳥尤陰借逝波會心原不遠相對發高歌

病中兩夜

貧病苦相乘中宵泪欲冰悲風塵落葉寒雨澀秋燈歲儉憐親  
黨才疎愧友朋長愁不成寐聊復曲吾肱

秋懷

風急暮猿愁懷人獨倚樓雲凝千嶂雨葉落萬家秋極目關河  
遠驚心歲月流遙憐天際雁辛苦稻梁謀

邨舍晚望

茅屋幾人家春晴望眼餘烟林歸宿鳥風樹落疎花谷僉天猶  
古時平物自華老農殊有意笑指墮頭雲

溪東別業

托跡清溪左時還得我真竹涼魚就影院寂鳥窺人靜坐能消  
暑深居不惹塵一編殊有味長與古為隣

秋懷

秋已深如此客懷愁那何蒼松寒不落古井靜無波歷險心宜  
猛安貧氣自和遙情誰與達苦為暮雲多

散灘晚渡

飛鳥沒長天人歸古渡前秋散寒木葉月色澹溪烟隔浦漁歌  
晚遙山野燒連客情良已倦喜近舊林泉

閒居

入世拙逢迎閒居歲月更貧嫌言少味愁愛酒多情肝膽向誰  
是鬚眉空復名不堪思往事歌桃聽秋聲

先慈忌日書以當哭

母氏劬勞甚平生未展眉猶虛五鼎祭漫育四男兒寸草心空  
在終天恨莫追沒息何以報徒有涕沾頤  
欲哭更吞聲誰憐失恃情長愁渾似醉少賤總虛生速客方嚴  
父離家又長兄一卮聊跪奠應不問幽明

九溪晚泊

維舟當日暮臨眺上平原細雨因中樹疎鐘竹外村谷虛聞石  
響江遠見潮痕獨立無人會蒼茫欲斷魂

山居秋曉

遠寺疎鐘動幽居引興長曉風三徑雨殘月半庭霜人語比隣  
靜雞聲隔樹涼閉門仍獨坐攤卷細焚香

雨後溪上晚步次周怡雲峻先生韵

暝色聚陂塘行歌趁夕陽月來山館靜雲度一溪涼遠樹含烟  
澄流螢蘓水尤濯纓如有意不必定滄浪

曉起步至龍護寺訪虛上人

曉起興幽偏孤吟出野烟偶懷塵外客來訪洞中天病葉驚秋  
早高峯受日先何時消世慮得與細參禪

約在... 同錢蘭生遊石淙洞

素抱探幽癖，宵辭挈伴尋。碧潭春釣靜，古洞夕陽沈。坐聽風泉響，能生道者心。鍾期不可作，誰為鼓瑶琴。

石淙觀瀑

懸崖飛匹練，倒掛綠蘿陰。勝境不在遠，我來清到心。洞雲當暝合，潭水入春深。朗嘯松風外，寒漱度碧岑。

崇坪阻雨

開歲別山城，依依愧館甥。雨牕昏竹影，風壑亂松聲。夢短春無跡，歌酣酒有情。上元佳節近，鐙火憶歸程。

村居示客

邨居當僻處，恰與懶相宜。性拙難諧俗，情多易近癡。引泉朝灌圃，呼月夜彈碁。幽趣何人識，還應我自知。

喜友人至

地僻無過客，柴扉晝不開。忽聞敲剝咏，知是故人來。野徑飛紅葉，閒庭鎖綠苔。襟期欣有託，同泛菊花杯。

春晴遣興次友人韵

林外雨初收，庭前綠已稠。花香迷曉夢，鳥語撥春愁。空翠人稀到，山空水自流。明朝逢上巳，共作踏青遊。

夏晚初晴聞笛

秋近漸生涼，閒吟興欲狂。遠山浮薄靄，高樹隱斜陽。地靜塵喧

少天晴晝景長倚闌頻眺望何處發清商

江口兩泊中夜見月

暝色起江頭江波自在流孤烟邨外樹細雨客中舟  
燈影一尊靜蛩聲兩岸秋清唸不成寐斜月照芳洲

初秋病起

不覺秋風至涼從衣袂生停雲思舊雨愛日喜新晴  
病必送迎減花開池館清唸餘幽興劇愁聽暮砧聲

幽期

倚石聽流泉塵心一灑然獨尋青嶂路偶到白雲巔  
古渡迷芳草春林斗杜鵑幽期誰共寫斜照落金鞭

秋賦報罷懷殊以來未久已自武林先歸梧州

我愛張平子幽懷與俗殊挑燈唸夜雨酌酒話秋孤  
負亦情斯切干時志尚好蒼山知漸近早晚北堂趨

贈麗水葉雪樵法茂才

家世石林舊君堪繼起人心閑惟向學道在不憂貧  
薄俗輕儒素吾生重性真相期敦古處好致歲寒身

曾蒼甫璿源歸自湘南以詩見訪次韵酬之

古道淪胥久何期復見今清裁能脫俗大雅此遺音  
舊事從頭說新詩信口唸懷才應有用無負歲寒身

辛卯秋試報罷歸里道出枯蒼譚寄梅學銘姚叔達學道

送至江干因舟未即行寄梅逖邀游南明山竟日始返即  
事抒懷兼以道別

人生無百年強半在塵鞅未遂策名期空懷滌頰想撲面驚翔  
風歸心蕩輕襟境曠得遐觀心悠愜奇賞

江樓秋晚望遠成咏

葉落洞庭秋滄江萬里流夕陽明極浦初月上歸舟雁影沈蘆  
岫簫聲淅淅綺樓烟波方浩渺望遠不勝愁

讀范睢蔡澤列傳書後

戰國風斯下功名在舌端窮時難作計賤日易為恩說力因強  
弱稱名保富尊謀成魚并始困危底須論

留別李翁園相書明府

相識耆名後相親把袂餘植躬惟古道飾治本儒書小試雖曾

脱攝理禹航長吟錦不如承示近叨為首與御意氣未全疎

倂政教載道鳧方遠蒞載謁豈無心作佳篇先生已赴新昌通有姪依文館承延

課讀憐余別武林開正即有破衫長路黯春兩大河深倘遇西飛

雁還期惠好音

世事

世事竟如此懷憂只獨歎消凌由骨肉顛倒到衣冠鬼道逢時  
易婆心覺世難江河看日下何計挽狂瀾

山村秋晚

疎鳥下晴空邨深暝色濃霜林秋景畫山寺夕陽鐘一逕響寒  
籜孤烟橫遠峰門前閒佇立暫覺豁幽踪

題鄭靄山松下聽泉圖

抱膝長松下悠然見逸情烟巒無俗意泉石證心盟  
以此懷芳躅因之世慮輕風塵隨擾擾那許溷吾生

山居

山居長當戶幽居情不厭貧林深黃鳥悅院古綠苔新  
落日邨逾靜閒雲意共親一編時在手相對古之人

秋夜

獨酌不成歡愁懷劇萬端才疎同志少谷薄空青難  
夜靜星河迴秋高雁影寒勞生空自惜便念泪沈瀟

為李素山望之題畫卷

灑落幽人致棲心巖壑間樹奇多傍石雲好總宜山  
世外漁樵古圖中歲月閒無因聯小隱遐想託荆關

秋日同群從遊城南諸山即事言懷

信步出郊門值茲風日美清遊未易期偶契澹蕩旨心  
遠境自閒何妨涉城市而奚古碩人考槃歌不已澗阿  
詎足誇獨寐甘永矢藐類以為賢所見毋乃俛天壤本  
寓廬有生特寄耳正賴奇傑姿不同榛莽毀吾宗斯聚  
族由來逾千禩耕讀守家風世遠情猶通簪纓與文物  
後先曾繼起比煩就衰頽瓶罄維蠹恥

此首宜列  
卷首

振拔匪異任慎勿隨俗靡眺覽周山川敬恭念桑梓聯袂下林  
巒長歌歸井里翹首秋漢高霞光散成綺

題楊見山峴秋夜讀書圖

雅愛秋宵永能深燈火綠幾人忘世味無處着塵詮意悵蒙區  
小情移卷軸先牕風湧蕭瑟妙悟本從天

題倚松調鶴圖

綽有寧虛與鳴期和在陰會看教應節不敢歲寒心落落風唯  
古條條息自深吾廬誠可愛好為護苔岑

洛河舟晚

但日月送由東風颺綠波  
水天光碧似羅扇舟原不繫倚棹且高歌

華州郭汾陽故里

曠代迴天手功高異姓王危疑能自靖識畧遠非常氣蘊洪荒  
小名齊華岳長祇今廝養卒猶解說汾陽

過六盤山

仄迢迴旋上岩堯太華西地當三伏冷天刻六盤低脫險鬼猶  
悸巖次車憑高望欲迷壯遊吾豈得征馬莫長嘶

泚陽秋望

秋風吹落葉響會幾家堪獨上高臺望難為遠客心長天孤雁  
迴極塞暮烟泚惆悵還鄉夢空羸泪滿襟

老桂

獨立幽崖畔風霜不計年榮枯看世態偃仰任吾天野色分猶  
遠秋心得最先歲寒知孰與松柏故蒼然

洮陽中秋有感

亘耐今宵月殊鄉分外明山河疑有影兒女若為情令序愁難  
遣孤懷醉易成自憐溫飽志役役藪勞生

客館兩夜

檐外瀟瀟響牕中寂寂眠鄉隨孤雁遠吟讓候蟲先頗喻南華  
旨難營北郭田鄉心與秋雨都付枕函邊

望華山作

天半矗三峯蒼然太華雄真形垂海外以勢相寒中氣挾秦關  
險神遊帝座通會當凌絕頂一覽小衡嵩

重度蕭關時新罷京兆試欲得歸省仍以西行未果

又過蕭關道空驚旅食頻輪蹄消壯志歲月老閒身豈有匡時  
畧堪為待聘珍飢驅輕遠涉回首倍酸辛

京兆試罷病起有懷洮陽署中諸友

商飆一以厲搖落我何在遠作關山別徒悲節序復虛名勞悵  
望壯志獨沈吟不是同袍子誰憐歲暮心

秋道謁 楊忠愍公祠 并序

椒山先生一代偉人其學術之正才畧之宏即謫官秋道



日施設已可概見地還朝未幾竟復觸迂權奸而必當時  
國事何如耶嘗讀明史及所自著年譜輒慨予慕之去夏  
俞孟廉刺史移牧是邦承招至幸得躬詣

先生昔年講學之堂辨香頂禮既接

風規不揣固陋敬陳五言律詩四首非敢妄測

高潔聊摭感悼之誠云爾

先生雖已遠峻節震人寰道在何妨謫官卑未是閒經綸隨地  
見慷慨奈時難浩氣疇能尚葦風起懦頑

疾惡如將洗孤忠豈近名無能迴國是敢自惜餘生天地存肝

膽讀君視月情當與世離新盤且留誰  
讀君期有月情當與世離新盤且留誰

灰醜骨早應寒獨惟存齋叟公然袖手看

世廟真男子如公有幾人直將家視國寧許賊為臣兩隸河山

永千秋俎豆新此邦遺愛在憑弔一沾巾

兆陽官舍喜晤潘美躬希濂五兄即東

相見湯相識其如失素心先生能接俗大雅以遺音托跡途雖  
別忘言意已深歲寒期共勉俛仰一長吟

學道誠身始淪胥慨自今何人敦本誼於古獨情深廓落平生  
志難虞入世心芳規欣在邇不覺滌煩襟

辛丑嘉平十二日漢上舟夜

歲事日已促，鄉心正惘然。  
揭來秦嶺月，還上楚江船。  
戢影將何地，浮生總任天。  
蒼茫成獨咏，坐惜夜如年。

秋山晚眺

暝色村邊合，尋幽興未違。  
亂山交落葉，古渡隱斜暉。  
風定蟬初歇，雲低雁自飛。  
一教何處笛，惆悵欲忘歸。

秋江晚眺

清秋望不極，晚興動寒江。  
日落濤聲壯，風狂樹色降。  
雲中蒼雁過，柳外見歸艘。  
無限懷人意，相對未綠莎。

商河即事

泥滑路難行，秋風吹客衣。  
野田黃雀在，村口白鷗飛。  
日暮思鄉處，心閒得句時。  
商河即事，感懷。

雨牕漫興

積雨苦不已，何人慰索居。  
咄嗟三尺劍，顛倒一床書。  
對酒情無限，看雲思有餘。  
幾能移俗近，豪氣未應除。

咏鄭初心

大節初心在，遺編續古傳。  
丹忠盟白石，皓首夢青檀。  
泪迸蘇山瀑，哀深蜀國鶡。  
五峰原畔月，長向六陵圓。

咏林霽山

滄桑成噩夢，灑泪種冬青。  
玉匣天魔劫，珠邱帝鬼靈。  
無名參汝社，有恨寄蘭亭。  
別業殘山在，誰鐫趙鼎銘。

旅舍即事

兩過苔緣徑度虛客到稀青山當戶靚白鳥向人肥世味了無  
着鄉心賸欲歸為憐新霽色頻自洗征衣

此宜列卷首

擬遊雁蕩山作

南戒極瀛壖奇氣恣磅礴雁蕩出天台洪荒誰與鑿四谷別東  
西萬怪任包絡峯標百有二恍同神斧削天柱勢猶尊撐空何  
昨崿玉龍擎寒湫驅雷天半落湖光絕頂明賓鴻秋乃泊遙矚  
海東頭烏輪掀浪躍異境得未曾顧盼生驚愕遠羨諾詎羅却  
笑謝康樂慧業信前因靈區渺無託枉尋山水綠虛展雲霞約  
即高絕涉乃從清峻敢言奇特願許諧快口鼎飛橋安得消夏

題洪武水驛起站船符驗冊

開國嚴郵政黃符證舊聞芝泥鈐寶篆雲氣護龍敕語風霆  
厲舟形戶牖分機絲輸內府想見匠心勤聖世存寬大曾無水  
馬符八荒皆在省萬里若通衢驛傳何嘗限征徭自不踰益徵  
徒法誤流歎陋前模

此係五律二首

宜刻

此五言宜列卷首

危言十三韻

鄭雋論為政唯猛為尊武鄉治蜀國亦以嚴法奪二子皆大  
賢千古稱名臣從知寬猛用祇在善惡分安良必除莠教忠先  
屏囂旨哉養馬說去害術乃神奈何臨民者煦煦以為仁優柔

恩奸惡豈謂德服民究竟受恩者皆以詰竅倫惡直而醜正王  
路誰為遵善良苦無主禍患實相因曷若濟以猛得使祥刑伸  
殺一而警百庶以靖郊閭

陸秋生 鳳鈞廣文以新詞惠賁拙禍過承顧念之意甚慙

奉酬二律藉誌下忱

兩大扶輿氣堪嗟運屢遷起衰無善術噓植仰高賢伏據悲千  
里焦桐惜獨絃猛思華頂上搔首問青天  
屯蒙何路出歲月在推遷莫遂漸鴻志真慙倚馬賢苦吟羸白  
髮疏越讓朱絃雅托心知在能全物外天

送單篠雲翁少府調任景寧

三載榆鄉佐藜羹味飽諸不辭山巒苦偏愛野泉甘竹院琴聲

逸松應鶴夢酣宦情瀟灑甚隨地愜幽探  
指日征駉發官程百里遙山高民較樸邑小市無驚別緒詩難  
遣離筵燭易銷准看秋信好風翼會盤鵬

送陸秋生 鳳鈞廣文假還錢塘 并序

秋生先生武林翹彥文苑宿髦久不得志於禮闈循選人  
例銓授羅陽司訓以成豐年亥夏息輟茲土孟六更歲瑄  
矣蒙緣氣韻獲從

誦座之末時奉

塵譚襟期灑落學有本原君子人也重承不棄迂蹇投分

頗深私幸以邦人士得與常沾

教澤巨耐適值 俸滿

先生尊鱸之思既殷遽引假旋屬在山叟無可展意勉成  
短律藉貢長吟敢希蟬鳴之篇定叶

鶯遷之頌尚冀

大雅審正是荷

宜扶  
萃

出處原知數湖山且養真吾儒尊德性時論薄官貧未礙腸仍  
熱終期俗返浮輕裝歸穩肯湯歎酸辛

男兒重意氣放眼隘乾坤幽抱徒自惜世情那復論浮雲無定  
態老樹有深根本性如松柏霜雪

探幽山行

五古宜到首卷

空山少行人苔徑日影薄幽鳥隔樹鳴  
泉流響入岩壑在物純天機意象復何著  
古來達士心能諧山  
樂自然得真修喟焉緬芳嶠

溫

蠶賦  
蠶賦

蠶蠟梅

異香於後噴雪檀  
公族蠟成林映月  
宜其美其若梅  
花強分別  
全言以玉友並稱難

不

陶

如飲

水中雁字 明季人詩多咏是題其細已甚詞故難工

牕坐兩脚復拈此以遣悶緒

頡聖文宜秘石渠探竒何意刻靈香碑沈江底摹銘鶴帖影池  
邊校戲魚羽客秋陳河道議紋人曉卜鳥情書鴻詞不用龍梭  
織冷笑案中 有墨緒

寫向溽牋一一勻幾行澹墨染龍賓恣川那識文無範戲海爭  
驚筆有神飛帛形竒看易首偃波格古擬難真効靈章許徵河  
洛元妙應還蓋羽人

典酣飛翰走雲烟豪蹟從風印萬川羊賦雅資河伯注桑經翻  
肆鳥官箋恍窺漢瓦來鴻澤設贖秦灰拾羽淵健翮好充王母

使浮沈休付石頭船

辛苦傳書竟為梁劇憐清影度瀟湘青雲振翰波三折白露懷  
人水一方名如文昭翔澤國主賓詩思集河梁野鷗漫謂飢難  
莫潤色終教漢業充

春日山齋即事

韶光不隔小齋幽戶牖憑高萬象收風遞花香來別院雨餘山  
翠靚登樓柴門晝掩人稀到竹徑春閒草亂抽會得物情無礙  
意且從溪上押沙鷗

感事呈周古俠京表兄

何堪習氣懷衣冠每親鏡一梳既歎鬢髮多更道少感恩  
易如恩難歸狂自笑逢時把輕薄誰管眼者古道到今應未

泯殷勤幸為挽頽瀾

秋海棠和葛琴山培元廣文韵

西風吹雨過牆陰巧樣新妝喜見今鏡以盈盈憐弱質誰從脈  
脈識芳心傷秋幾認靈因泪暈酒須賡玉局嗟我亦有懷無處  
寫花前傾倒未能禁

情根宛轉費相思悄立亭亭情女姿嬌韵慣拚新雨後晚妝閒  
試夕陽時憑舒醉眼看猶倦但抱秋心賞未遲休許捲簾常獨  
對生來幽性欲同癡

煙愁雨泣畫難真一點檀心巧惜春幽獨似傷衰草地芳菲肯



讓艷陽辰朝霞映處光微斂薄霧籠時色較新莫更夜深燒燭  
照玉闌干畔可憐顰

搖落蕭辰易斷腸漫隨黃菊薦瑤觴澹描瘦月空憐影寒颯酸  
風却耐香蕙夢難尋春似海新愁正值露為霜輸外螢火多情  
甚每倚花陰逗冷光

菊影四首和友人韵

秋心誰與印芳園靜裏襟期好細論逸韵自憐方得偶蕭齋坐  
對已忘言何人潑墨形能肖有客餐英手欲捫恰到日中風定  
候花前乍覓了無痕

澹粧濃抹亦相宜搖漾風前意愈奇  
與世推移南山真意誰能似苑精思要未  
知莫共置橫斜  
例平生傲骨總堅持

霜籬露砌晚園幽竹外晴光近小樓高士臨池尋昨夢美人對  
鏡感春遊瘦容入畫宜無骨倦態當筵似有愁最是夕陽閒好  
處滿身猶帶昔時秋

蕭疎意態本難描欲却還離坐半宵對酒愛春華燭近懷人欲  
未暮雲遙陶家景只秋能畫楚客魂偏月解招會得此中真意  
在那愁晚節逐風飄

雨中病起懷 家大人作

寒雲黯黯覆山椒閉戶兼旬懶出遊病後情懷猶中酒貧來意

味似經秋兩教無那連宵急心事其如鎮日愁最是思親當歲暮幾回望遠獨登樓

秋齋夜思寄妹倩盧翼庭贊周明經

露氣初濃碧漢清懷人獨坐漏三更閒階月過樹移影野館風高雁有教舊夢難追塵迹幻新愁無那壯心驚何時得遂凌雲志不把先鞭讓祖生

山齋秋夕待月呈王以修周古俠 多志友

西風作意釀新愁落葉齋除響不休老圃尚遲秋後鞠飛鴻已度竹間樓山橫瘦影難為夕蟲咽酸聲已耐秋解向貧家消寂

韻清心雅待月當頭

秋夜山齋待月呈王以修周古俠 多志友

夜靜秋清望眼空碧霄無際羨征鴻空澗竹影千竿月響徹雲梢萬葉風室小有人歌慷慨天高何處問窮通男兒不下牛衣泪肯放雄心逐轉蓬

感事示友人

賦性原同木石頑其如世慮不容刪穿揚一箭譚何易刻楮三年事已難撫已敢云貧非病干人真覺士無顏感君意氣能相許話到傷心泪欲潛

感事酬家笛舫

擬將曠達慕莊周閱徧人情轉益愁善怨何嘗非長者能文未

必定清流才原有用憑誰惜事到無聊祇自尤我亦疎狂招俗  
忌實身漫說最高樓

感事同家嘯士作

萬事應從靜裏觀敢同傀儡漫登壇論交我愛虛懷好涉世人  
言直道難從古文章先氣節祇今憔悴為飢寒平生最厭趨炎  
客未肯輕將劍斂彈

癸巳九日林峙屋鶚邀同吳子安靖翁晚青曙集吳竺雲

貫齋中賞齋

潦倒何因寄好懷良朋素節喜能諧幽香引我風三徑朗抱輪  
人月一併守事難憑隨轉為物情死胡總念骸休嫌羅履東籬  
下便為英醜亦佳

周怡雲峻姻丈索詩為贈即用過訪原韵奉酬

先生築室傍溪灣品格宜居水石間可教久承誇孺子著書深  
喜托名山君居察溪之霧因時有味天容瀨與物無爭性自閒  
記得驚人黃葉句舊有黃葉老秋心管中曾許豹窺斑

讀漁洋先生集書後

文運原隨國運昌詞宗一代屬漁洋清能有韵神逾遠落到無  
言骨亦香力挽狂瀾迴七子別裁偽體繼三唐參天大樹誰當  
撼可笑虬髯不自量

晚春新霽

開

東風吹雨出山城  
曉日曛曛霽景清  
芳草池塘春入夢  
綠陰庭院靜  
聞鶯斷橋水漲  
人蹤沒  
逐岫雲圍  
蔚色明  
欲上高原頻極目  
不堪惆悵杜鵑聲

李獮園枝青司馬以素心蘭詩索和依韵酬之

何事山椒與水滄  
偶從庭際拓清襟  
珊珊佩叶幽人契  
謚爾香傳靜  
若心雅韵當秋  
憐素魄芳懷比  
德賸瑤琴  
憑將擬似東籬菊  
晚節無嫌證好音

勝讀離騷向楚溥  
白駒空谷滯凡襟  
久輸菊月高盈手  
不遣微埃迫淨心  
金帶圍閑仍捧綬  
玉簪花笑好橫琴  
朱霞落落看天半  
飛鳥繞也託春音

大雪俞孟廉進廟東三和上作

雲雲四合雪漫漫  
大地山河忽改觀  
放論何人霏玉屑  
豪情到處儘花團  
天心久厭紅塵擾  
我意殊憐白屋寒  
莫道豐年頻見瑞  
須知窮巷有袁安

庚子中和月將以秋試北上別俞孟廉進麟刺史

兩州遷轉擁高車  
迎者懽呼送者歎  
龔渤海民無佩犢  
羊南陽解有懸魚  
頻查好語來  
輿頌擬譜嘉猷  
作治書課策行  
看登上考定邀金爵  
賁丹除

遠共雙旌到武街  
慙無片石益神媧  
三年聚首緣非淺  
兩世同心誼允諧  
太翁苦琴侍御視學蜀中嘗招致一時俊彥在署禮延家君主講相得甚懽  
交比飲醇常

醅

自辭官如啖蔗漸能佳軍車北望金臺去洮水洋洋識別懷  
此七古列在古之下 留別潘美舫希濂五兄兼寄楊翠巖維屏明府

交道無緣交不深有緣萬里來相尋僕本東甌僻處士半生未  
喻之江潯嘉招比承推烏愛謂俞孟廉廉刺史廉屬迹作遊子冷澗抱古  
意將誰托寄興獨撫無絃琴豈有山水足清賞意逢達士能知  
音潘郎原是不羈人虛襟朗照無纖塵滿胸甲兵末由展屈首  
甘為淥水賓楚天昔值揚妖氛短衣匹馬誇從軍草檄墨常磨  
盾鼻運籌氣欲凌星文大府叙功上彤廷殊賚久已彰華纓獨  
來縱橫志未就橐篋仍復賸西征相逢握手洮陽城一見如舊  
兩心頃以膠投漆誰能別夕夕依依巖弟兄閩南公子今巨原  
與君風誼夙已敦捧檄適分分離右難洋重舉疑同根顧我  
名面未親枉教書札損文鱗殷勤許結青松契名山共約聯芳  
隣君與楊翠巖明府潘楊之睦古所稱把臂何緣及董生一龍  
豈辭附作尾三鳳祇恐難感鳴好鳥求友猶嚶嚶况復氣類關  
真誠雲龍相逐固所願望衡何日輸懽情有志應須各努力他  
年無負鷄壇盟

壬寅春仲歸里親知枉過詢及客况書以奉答

萍踪飄泊到居延壯志深慙定遠賢五載周行三萬里四京歷  
覽二千年依人自古非長策得友從今信夙緣太息勞生成底  
事關河歲月坐推遷

客有以西京風景見訊者為述其槩

關中形勝古來蒼策馬曾探太華雲殿閣難尋周漢蹟山川空  
剩帝王墳五陵舊俗矜豪俠三輔雄圖恨夕曛今日烽烟清絕  
塞漫勞設險潮遺文

東甌觀潮行

列五古之下

甌江去海才百里鴻潮隨月相終始雖無雷鼓動地來亦有濤  
山駕空起我挈輕舸來東流回鷗山前恣教遊乍聞石鷄發清  
響萬頃衝波皆逐流初如風掃石摩厲旋似雷掣癘雲走靈鷲  
倒跨神鯨馳橫截以風怒激吼舟勢漸高雲影低岫容陡漲沙  
痕迷江天開拓派與縮雙派以快黃波熱錢江賁為五胥世蠶  
江恨共文山結一般洞拍蒼天七發誰憎枚叟說乾坤消息  
存真機氣運循環誰能違揖峰亭子扶闌看破浪無數舟如飛

頌

闡烈篇為陳明府重修傳烈姬墓作并序

傳烈姬者 國初邑令張公聯標妾也時鼎革方新殷遺  
未靖順治戊子五月有隆武殘旅自閩逸入張公適以拒  
寇殞於東鄉其子聞耗先奉母遯妾婢竄田畝者悉被獲姬  
獨矢志不屈脅誘交施抗守愈厲羈囚匝月始縱令自殺  
以六月二十日於萬羅山投塚而歿渠魁亦憫之為斂葬  
東郊三陽之原康雍間宰邑者曾樹碣以表歷年既多復  
淪薶莽今秋陳侯攝篆見諸邑乘即命重修之碑且致祭

楊寮在正地

列古三下

馬夫傳姬以少賤弱質能舍生取義視死如歸洵奇女子  
陳侯追揚烈行以敦風化尤非近今俗吏之所能為惜山  
城僻陋無有能歌咏以昌之者因披舊聞綴以新政勉著  
斯篇闡前徽而頌今美於古風人之義或有取爾

侯

虫尤觸天天宇裂朝曦朔照妖星滅補天石爛神難成龍戰元  
黃空蹀血野嵐乘間爭興驚蹴踏窮山恣饕餮張侯拒寇方阻  
東瀛馬洋寮訖署領絕眷屬爭先各逐颺僕妾倉皇竄榛樾天  
槍跨馬復南來無數游魂壓城副副雲冢盡離網羅蒲伏凶戾  
同跛鼈貞姬獨有鴟觚孫年才破瓜心截鐵須女夜實萬羅山  
一縷青絲完勁節當時六月古炎熱白猴驚啼青虎喝立秋後

外正氣冲霄凝不飛直貫紅輪變雌霓火晝倏忽無元晶冰雪

侯

侵人寒徹骨滿城風雷白蓮香埋玉荒郊土不沒觀者萬眾盡  
款歎澗底流泉亦嗚咽遺家青共二百年民間往事猶能說攝  
宰陳侯中州傑發政首聞燕往烈重芟荒棘治琴城更樹豐碑  
真清酸扶植名教實化原頑懦聞風骨感悅安得殺魄永不滅  
化作天符并玉訣辟除兵疫鎖下方萬世太平無碗斃

賞詞

半畝金英手自栽清風香引故人來題糕且喜逢重九送酒何  
勞發舊醅傲骨經霜逾瘦勁秋心與月共低相聯吟自分無佳  
句聊惹黃花笑口開

秋夜感懷

書空咄咄究何成  
漏澀燈寒太瘦生  
至竟尤人緣寡識  
故應累我是多情  
論文敢逐輕餘子  
薄俗難從想不平  
無限愁懷聊自遣  
起看劍氣尚縱橫

感懷

壯志憑將鐵硯磨  
鄉關久別鬢毛皤  
來時有用才無老  
入世能全道在和酒  
為愁澆心醉易書  
因借得手抄多  
逢人知己吾安敢  
撲筆聊從長者歌

山齋即事

清和天氣踴尤融  
步碧陰行興不窮  
竹粉細粘飛蝶翅  
珠絲輕嫋落花風  
閒度客過苔痕  
石冷對雲根  
鳥語深最愛隔溪  
山色好數峯如畫  
倚闌京

東齋偶書

歷落東齋寄此身  
俗緣滌盡見天真  
胸無墨塊何須酒  
室有琴書不礙貧  
漫道庸庸多厚福  
幸憐碌碌祇因人  
閒中幽趣誰能識  
獨自長吟向水濱

喜見新菊有咏

刮地風催木葉乾  
迎眸恰喜菊花攢  
不因凡卉交零候  
那省幽芳獨秀難  
清畏人知寧免瘦  
卓為霜杰祇禁寒  
悠然自會忘言意  
贏得秋光上鬢端



之春夕雪次妹倩書靈輝度贊周明經韻

東皇作意幻春晴  
剪水瓏瓏看樹平  
到眼華翻詩有影  
攜尊客過履無聲  
寒添竈火愁烟濕  
靜逼牕紗誤月明  
沈憶園梅香乍透  
飄然我欲御風行

書寄家大兄小霞先生札後

鎮日山齋靜掩扉  
愁眉總覺展時稀  
家門哀落悔昆弟  
心事飄零感蕨薇  
自惜狂歌原當哭  
於今長嘯合知非  
看雲正有無窮泪  
灑向風前一飛

既逢奚堪更撫躬  
區區自笑百無同  
危時托足渾難定  
直道謀身那得工  
已分功名猶塞馬  
徒教毀譽等秋蟲  
男兒素志羞齊俗  
肯把心情任轉蓬

日前奉謝惠沈小詩梓承

陸秋生先生和韵見以教即言述懷長言慨咏叠至三四雖誦之餘感佩無已輒復依次有作謝請

鄂

兩過秋陽滿影紅  
飛來芳訊碧谿東  
編珠雅具三唐體  
屑玉真承兩晉風  
古道論交期水合  
幽懷托契許蘭同  
却慙寂寞雙鬢白  
念深謝沈迷警我衷

亭亭荷瓣尚舒紅  
賸引清香曲院東  
自愛一泓留夜月生憎  
萬竅驚秋風世間近事  
何從說我輩遙情孰與  
同涼意乍宜煩暑

滌瑤篇三復感深衷  
濁醪拚得醉顏紅長日空嗟逝水東一昔才名唾畫餅百年情  
緒感西風事原有數關前定交豈無緣可強同太息鴟鴞紛滿  
目暗堆冰炭恐非衷  
天半晴霞迥自紅有人歧路漲西東鱗依淺瀨魚吹浪鶴警高  
松慣受風過眼雲憐蒼狗幻盟心水澄白鷗同等閒世味嘗差  
遍耐苦惟憑鐵石衷

惜別

惜別黯神傷無言倚夕陽可憐橋畔柳攀折為誰忙

憶別

憶別及花時花飛春已晚登樓不見人落日平蕪遠

韓城道中

客路渺何極離懷黯尚新誰憐風雪裏猶有夜行人

獨酌

獨酌不成醉霜花映面寒匣中長劍在拂拭待誰看  
獨酌不成醉北風生夜寒壯志徒自惜把劍倚闌干

獨鶴

獨鶴雞群立長鳴氣不驕高風何處便翹首望雲霄

月夜登霞山

振衣

木葉下秋山林蟲激繁響抱琴時獨來坐看山月上

咏雪十二歲奉家大人命作

昨日寒風至今朝白雪飛如綿如可看當作萬人衣

春陰

薄霧籠山鳩濛濛欲雨時黃鸝啼不住飛上綠楊枝

古怨

思君不得見見後翻無語獨倚曲闌干盈盈泪如雨

練衣

獨出意不道歸來却掩關心誰共語翹首夢青山

涼夜

微雨生夜涼坐聞泉溜響庭際寂無人流螢自下上

退

貧家

貧家結屋傍山隈  
庭戶無人掩綠苔  
好是多情雙燕子  
銜泥依舊上梁來

嘲蜘蛛

何物偏將智巧推  
遊絲嫋嫋傍蒼苔  
如何自詡經綸手  
徒為飛蟲結網來

傷春次韻

燕子飛來日正長  
憑闌有客獨神傷  
落花滿地春無語  
一任東風自主張

夢登天關山作

網參歷井躡山蹤喜有雲梯路不封眼底紛紛多培塿始知身  
到最高峰

呼吸真疑近九天胸羅星宿氣如仙乘風便欲飛昇去冲破長  
空萬里烟

文信國琴獨為李薊園枝青司馬題即次 又山先生原

韵二首

蒼梧流怨極清瀟一曲瑤琴動次寥五百餘年人換世猶羸忠  
憤耿難消

匡山風雨夜瀟瀟送恨無因碧窅窅識得琴陰數行在迴天無  
力獨魂消

題李璣田存耕先生墨戲

紫莖綠葉擅風流空谷何人最賞幽一自王孫歸去後暝烟寒  
雨不勝愁

何須蕊葉辨參差臭味由來總一家但有幽芳無俗韵肯將顏  
色鬥春華

深山惟有石堪傳欲訴芳心豈自由歌罷離騷二十四一簾香  
雨正宜秋

天然幽豔出烟縠素心質何心異眾葩見說國香今日少漫從墨  
本認欹斜

邠州道中

細雨新晴麥秀寒冬來過此已春殘  
死花點地渾如繡猶作江南二月看

南湖春晚

湖光柳影媚春烟柔艣散低破晚天  
誰種天苑教近水花枝紅上浪頭船

題李璣田存耕先生墨畫竹

烟梢露葉最關情月下依稀認未明  
吹斷玉簫人不見虛牕一夜起秋聲

數竿蒼翠影離離歷盡風霜總不移  
要為人間留勁節歲寒心事有誰知

怪石嶙峋不可攀高枝抽出碧雲間  
何時翠實垂垂結招得丹山老鳳還

風吹硯北玉甃珍潑墨淋漓氣正酣  
似聽空霄鸞鶴響傳將詩思到江南

乍報龍孫解箨初亭亭又見拂雲餘  
此君頭角崢嶸甚管領春風更孰如

鷓鴣啼斷暮雲殘曾見離披一兩竿  
憶昨黃陵祠下過滿庭清影不禁寒

愛竹裁多倚小樓參差涼影自清修  
祇今風雨瀟瀟夜不見山陰王子猷

綠篠蕭森倚石栽  
林端清氣逼人來  
梅花莫便矜高節  
而得冰霜亦相才

題周在樞天拱先生詩後

空山老却苦吟身  
逝水年華又卅春  
今日遺編重與讀  
寂寥風景惜斯人  
巧婦難為無米炊  
別才別趣論殊卑  
要知辟穀神僊術  
原在丹城九轉時

讀宋史偶書

學期濟世誰邀名  
怏怏何堪秉國成  
却笑當年王介甫  
苦將經術誤蒼生

晚起

山齋曉起思幽哉  
暖日初晴戶乍開  
牕外竹枝散知夜  
兩飛花一片入簾來

山行見早梅

山邊縈迴夕照斜  
竹林深處有人家  
前邨暗報春光近  
一樹寒梅已著花

書卓忠毅公傳後

徙薪曲突慮何長  
識洞幾先禍預防  
骨肉幸全宗社福  
謀成不用咎誰償  
危疑決策早忘軀  
養士如公洵不孤  
勸哭有人捐十族  
可憐無

補是拘儒

晚度平涼

沿城烟對晚蒼茫之馬踟躕意欲忘  
遠水遠山如讀畫泥人鄉  
思是平涼

六月六日清家驛題壁

不速真成小住來青山當戶畫  
圍猜幾家疎樹斜陽裏惹得征  
人倦眼開

題吳丹木山水小冊

畫意詩情兩未妨胸中邱壑那  
能量莫言前輩風流少猶見吳  
生豔糟場

越中得括蒼譚寄梅學銘書却寄

雙魚遙有好溪來日暮看雲首  
重迴知否有人蒼嶽外秋風獨  
上越王臺

贈別趙溥泉必達少府

天涯相見便相親美爾清懷不  
受塵世上筆毫殊自好愛彈古  
調復何人  
論交雅喜托忘形忽作參天兩  
地星無限離情依柳色春風吹  
滿塞垣清

留別俞艾廡奎文公子

多君樂善意循循猥以疎狂肯  
見親留贈片言勞記取誠求端



在葆吾真

竭來小住候三年以後相思各一天但使寸心能不易修名肯  
自讓前賢

詠虞美人次廣文徐芸亭望璋先生韵

絕代紅顏委逝波濃姿留得兩痕多滿園春色空如許頻向花  
前喚奈何  
芳魂常繞楚王宮淺白深紅一畝中夢斷酒醒春又暮拚將遺  
恨付東風

晚春書事

江村寂寞掩柴門掃地焚香道自存長笛數聲花又落一庭明

月照影昏

讀史有感

庸行庸言事豈徒高談心性一何誣祇因道學標題後從以人  
間有偽儒

江行即事

烟籠霧合兩餘天晚過寒江古岸邊隔浦遙聳人語響柳陰斜  
繫釣魚船

春夕即事次友人韵

清尊相對旅懷寬坐話深宵漏欲殘明月似憐春意寂故移花  
影上闌干

試寓感懷次韵

貧埋病屋共誰憐壯氣還能薄九天夜半聞鷄頻起舞何人先  
看祖生鞭

探梅

一畝槎枒傍水隈春來端占百花魁縱饒僻處無人見自有東  
風着意開

郊行見早梅

山齋獨坐鎮無聊雨後行吟出遠郊  
色上睍梢

送何桔亭後廣文假還山陰并序

桔亭年文先生以名孝廉司訓羅陽六更寒暑蒙緣飢驅

逐出未遑頻奉

渠教然氣誼之孚嘿能相喻不介形迹也今歲值

先生俸滿引假榮旋蒙亦屬有陝右之行重為雀鼠所困

躑躅里門荒畝僻壤無可展意爰綴小詩藉呈

大雅漫云一曲驪歌聊比數聲風遂慨當以慷情見乎辭

談經自惜朔何休宦隱偏教六載留格是才人原耐冷山城四

月尚如秋

儒生職業例清寒講舍長誇首藉盤餐得菜根滋味別由來猶

大總嫌酸

行行我且送君行  
歧路難為惜別情  
世事蒼茫誰與質  
多人苦處在分明

飄然歸去鑑湖濱  
樂事天倫趣倍真  
他日扁舟明月夜  
款門容訪定何人

謝杏根  
泚春夜夢得杏花香  
裡鷓鴣啼句醒後續成索和  
依韵酬之

風吹花片落春泥  
蝶夢初回意尚迷  
惱煞流鶯太無賴  
教教偏傍耳邊啼

新晴芳徑喜無泥  
步屧尋春眼不迷  
我是欲歸歸未得  
莫教枝上子規啼

私海棠

滿徑寒烟淡未收  
誰憐掩抑十分愁  
砌蛩不惜芳心苦  
猶傍牆根泣暮秋

題廣文陸秋生鳳鈞邦江詩夢圖後

從來慧業本生天  
妙句通靈契夙緣  
塵夢著人醒不覺  
箇中誰證息如禪

聚散悲歡那可期  
空憐三絕畫書詩  
祇今迴首蕪城路  
何似蒼茫獨詠時

題廣文姚琴舫成濟鱸堂課讀圖

乘李陰濃日正長  
天教樂事傍宮牆  
箕裘世業青箱在  
占得人

間翰墨香

籍甚教華憶雪波文章舊價擅魏科知應別有傳家寶指日丹  
成玉髓多

迎憶童時儼如昨夢無以仰副父兄之望上愧昔賢下慙  
來彥嗟乎我生不淑竟成暴棄之味年壯無稱空抱沮  
之恨未免有情烏能自己傷哉傷哉

道充丁酉鞠秋既望又震自識於吳山試館

格言七則示恬兒

此種不宜入  
詩集

卜子謂大德不踰閑小德可以出入此語誤却學者不少人非  
下愚豈有甘心為惡其始多以細行不足惜小過為無傷因循  
日久遂致勢莫能迴豈天良之甚汨耶噫履霜堅冰綫溜穿石  
漸之所積得毋春歟 吾曹以身涉世固不宜過與俗忤然斷  
不可隨俗波靡與其失已毋寧失人稍事游移必無駐足之處

暇時務多讀書庶幾胸襟開拓居恒於古人一言一事皆悉心  
體驗則中常有兩主物來得以順應萬勿雜處夫悠悠之輩徒  
長浮氣埋沒性真也 事變萬端理衷一是不有先幾之燭能  
無後悔之貽惟酌古可以準今而平情可以接物斯緩急輕重  
名財至當之權衡苟不揣其本求齊其末則在我少自固之基  
即與人多可乘之釁御世無術將仁義亦戕身之具矣故盡性  
務以窮理為先 從古容有疏節濶目之豪傑斷無不謹小慎  
微之聖賢豪杰任氣聖賢主識識靜而氣動也靜故有常動則  
多縱多縱則難與持久有常故不利害不奪 有生最易失足  
之端莫如財色二者古今人所同為詭疾也然蔑義之財在鄉

味道則齋危言

恭順 董 暉 又霞著

此言詩宜 危言

列首卷第  
一篇題印  
用危言二  
字

昔聖垂訓學貴心得惟虛能受惟實可久水止故清心靜斯明  
理匪必深嘗審其真宅躬有安非濼勿道倫常之地務求自致  
觀人於微制變在機涉世無奇授人不疑細行不以曠云無忝  
事無難易期為可繼護短飾非安保幾希喜人面諛我則賈惠  
思遠恥辱勉親忠告見善生忌伊德之棄取友非端末或苟先  
市交難全莫與作緣莊以臨下搆怨善寡女德無極丈夫當識  
輕受人恩是謂彼昏陵弱以強久且自戕簡賢附勢衣冠奴隸  
隨俗俛仰品儕厮養名節勿拘何必讀書禮義矯誣狗彘棄餘

少年誕傲豈期遠到老成謹厚物將焉咎惟木從繩專欲必傾  
勢雖可察忿得無懲達人知己急胡足恃非義是食不如行乞  
琴德悄悄惠我好音夙夜維寅允景常新側有伏寇警爾屋漏  
止謗無辨洵哉加勉未同之言匪我思存抱真以默葆茲謙克  
近本還遠遺想天民與道相守直而勿有今之名士古之浪子  
廉恥無稽其人已矣

右卮言三百二十字余嘉慶戊寅歲所作維時

家大人遠客蜀中因於竹報後附呈極蒙獎許手諭云觀  
汝所作箴銘能知之品此甚可嘉但少年須求渾厚不宜  
過於俗迂荏苒流沲遂經二十寒暑事業茫然愆尤日積

黨自好之士猶不肯為苟得獨至於色雖以豪傑過人之資遂  
遂墮入迷津而醜不知怪迨情隨事遷即具一隙之明亦未始  
不感慨係之究無如其能劃然於人禽之關者卒豈不重可  
畏哉豈不重可畏哉 子弟非才之難患在有才而不能軌之  
於正則聰明適以濟其匪僻之用將天真日漓者 一 道日遠故  
少或習慣端在父兄之教能先而后子弟之率克謹天稟雖不  
無或殊人事要各有當盡也 世故之憂莫甚今日小人肆無  
忌憚君子苟安目前皆皇皇然有途窮日暮之思其巧於逢世  
者則陽假君子之名而陰據小人之實以厚貌深情為諂練以  
養奸縱惡為慈祥益幾不辨禮義廉恥之為何物矣噫江河日

下志士寒心職誰之咎歟 勢腸固不容無冷眼殊不可少

右格言七則為恭順 又霞董先生在洮陽幕中寄訓其子

潛齋者 又翁家崇儒門稟道毓德與 今兄小霞先生有

二難之目嘉道間受知宗工延譽通南北所至為經師人師

龍瀾焉洎己未膺學使俞公之聘披策為楚游庚申春仲

首望武林值賊氛惡逸迷於所往奎於去冬司諭是邦得與

小霞先生交每道 又翁輒為眷令之戚都人士偶譚及

又翁亦輒咄咄詫借益信 又翁為弟弟慈仁人常以不獲

面交為憾今潛齋出示此幅屬為跋尾奎後生末學無能尊

揚竊一惟即請以 先生所書之語轉為潛齋謹守虔訓勉

為勉矣一如 先生曩日不外篇中讀書窮理四字果能守

之弗墜則烝烝繩繩二難之目又將於是乎在爰識數語歸

之潛齋其永寶之勿忽時在

咸豐辛酉上元前二日平湖後學沈應奎識於學廡

右格言數則為 又霞董公示其哲嗣潛齋者一言藥石誠

足為子弟者勗焉公素具磊落英多之概不以教色自娛雖

富貴無所繫利害無所怵蓋醇儒重道人也故歷遊燕秦楚

豫一時碩德重望者咸器重之哉己未就楚北俞學使聘需

滯武林值城陷遇賊時縉紳世族紛紛逃避而公以一明經

不徑不竄正襟危坐不屈而死蓋嚴氣正性秉之於天篤學

善道守之有素故其強毅有如此者周先室為公胞妹故公之契余也久余之知公也深茲潛齋出其手書格言見示余為之三復太息不勝有人琴之痛焉耳

咸豐辛酉夏五姻愚弟盧贊周書

夫人貴自立早歿自父兄之教不先子弟之率必不謹故教以正心教以修身教以誠意而猶恐聖諭淵源未能融會而貫通之因舉世俗之所易染時尚之所易汚者慷慨而震驚之如羅陽又霞董先生手註格言是也弗後生末學何敢妄贊一詞惟祝子子孫孫勿替行之

咸豐辛酉仲夏之月錢江後學汪燕識

自古聖賢教人不外於憂勤惕厲以存心能存心而後有真品有實學不然者無矣夫心何以存亦先正其心術焉耳族尊又霞先生生平以教品積學自勵為困於境從事遠遊足跡幾半天下所至皆有赫赫最遠欲為楚遊不幸被難武林聞者痛之嗚呼先生家居時曾常親承提命莫不以自勵者勵人而惟恐其心術之未純而或流於偽也曾心識之勿敢忘今哲嗣潛齋大從以先生前在泚陽手書格言屬跋知先生憂勤惕勵雖在數千里外猶此心也然則先生即長往不返其所望於後人獨不在是耶書曰非知之艱行之維艱願與潛齋共勉之矣



同治癸亥春正月正字行族晚憲曾謹識

蚤賦

有蟲業蠶其出獨蚤曰之得名類殊可蟲由乾土以偷生藉積  
灰而假造呼遂倏形則極么厥色純黑厥性偏佻嗜共善刺  
足捷工跳縱橫房闔恣肆昏朝吮腥血而屬饜憑濁垢以宣驕  
起不待時行不循地與狗俱來附鼠亦至緣襟侵肌登榻紛鬚  
值食撓餐將眠攪寐覓之即颺捫之已避害等鋒銜情同鬼魅  
來時無踪去後有跡遺穢汙衾留痕玷帨睨子衿之佻倥驚反  
段之袒裼蓋唯躁甚於蟲點過于蟲甘潛阮禪戲衷夏和火懷  
絮以深藏隱纖絺而自窒鑽刺保佞跳踉回通頻闕宣聖之曲  
肱每妨武侯之抱膝迨夫奮身嚴捕瞋目大索踏空乃竄遇縫

輒匿。緩逐內奔，急斯旁擲。脫已就擒，未經重搯。乍放指舌，殊防  
更翻身。方遠逸，猥若命既合休，辜當抵法。取之探懷，拉之折脅。  
強者必糜之齒牙，弱者猶齧之爪甲。嗟彼為物，蔑禮而輕。下生  
曹賦，其狀葛翁。偶記其名，外蒸應燒。蛭之變，夜撮之鳩。鳩之明，  
黏以葉而難盡。燒以火而愈盈。端在常勤，夫掃盪庶幾。莫挽乎  
裸程。

蠅賦

眇彼蒼蠅，生於爛灰。由啟螫而漸化，悲長羸以爭脛。爾其體被  
青羅，頭冠赤頃。負金以荷，藏俎于腸。容楚楚其可觀，性營營而  
莫測。羌聞香方遠，離獨逐其方。群集搖唇，扇翼越牖。穿墜形殊  
宵燭，散亂晨雞。慣擾五更之寢，痛隨千里之疏。肆淫懸蒸，強鑽  
故紙。豈解酬息，但知弔歎。跟齧壑岳，啣甘圃矢。好交足以如繩，  
每摩頭而自喜。時而迎人撲面，躡客登車。鼎先嘗，杯深易溺。覓  
七筋之餘滋，戀盤匝之殘滌。欲甚小而難磨，來不期而偏亟。害  
雖遜于蠱蟲，跡幾踰于魄域。甚且萃筆探詔，集鼻吮缺。附鷹頭  
而逞勢，螫狗項以成瘡。惟覺察炎之可樂，渾忘被凍之當儻。由

其於不靖盡人骨曾驅之輒返忍之弥增虎捕莫殫豆擊弗懲  
竹筧抵而暫避穉索懸而仍肅是故埤雅疾其亂殺亂色詩人  
惡其止棘止樊集瓜見誚赴汁遭論王思怒而拔劍伏連患而  
刑閻龔生指為詭人之應張公斥為奸人之魂僕也貧矣病尚  
非歟恥年微利陳作細書久之類方慮竊還守練而防汙三揖  
不勞其有六月唯願其無每觸睫而興歎遑過耳以干譽爰演  
駒支之賦藉申饗餐之誅



先君公咸豐己未冬應湖北學使俞公襄校之聘道出杭州  
髮逆驟躡常日遙不能前在杭歲庚申二月廿九日賊  
突至城陷先君罵賊不屈殉於仙公山下春秋五十有九  
嗚呼先君平生無所嗜好雅年即喜吟詠登臨覽勝  
歌泣悉寄於詩歷遊燕秦楚豫首尾六載詩益富用詩文遺  
稿盡遭兵燹不惟藝林無聞抑且手澤不存於子孫矣  
不孝恬從親友處覓得若干首裒輯成心先君炳然大節固  
不藉著作以傳第平生嗜好所在襟懷所托幸存什一不孝  
此屢欲付梓因比年遭家不造憂患頻乘兼以措資無自不  
獲如願伏念先君生平志節世之讀其詩而感之者諒不

之人為將謀付梓謹書鎮末於後云以誌憾云  
同治十三年申戌六月既望男中恬謹識

飲



溫州府

